

痧證指微

附痧證彙要末



光緒五平冬鐫

痧證指微

虞陽強氏藏板

序

人得天地之氣以生。故周身一天地也。正氣流行。邪氣無自而入。故清升濁降。六氣和平。如天地陰陽寒暑之得其正已。正氣不足。則邪氣乘之。清不升。濁不降。六氣乖舛。如冬雷夏雪。山崩水竭之失其正已。此理之常。夫人而知之也。獨怪夫感之暫。發之暴。可以殒人者。莫甚於痧證。而治痧者。不診脉。不服藥。手擦針刺。輕者應手立痊。重則數日可愈。余甚異焉。而未敢輕以為信也。丁亥春仲男元監初患傷風。既似瘧疾。續成傷寒。兼痢。湯藥罔效。飲食不沾。舌硬唇焦。眼光直視。醫者皆袖手適

友人金兆行來問疾云得母痧證乎甥某壯年強健霎
時昏暈面赤身僵醫者不下藥有奚佳棟者視之微笑
曰痧也鍼刺錢刮而愈鄰某亦霎時頭眩眼昏身不蒸
熱僵臥不語已至七日醫稱陰痧難療佳棟鍼之而愈
因囑余延奚余不可強請視之奚至曰此亦痧證也其
始雖不由腹痛然痧固不必盡由於腹痛也幸感冒輕
微本原尚固錯投藥餌閉塞邪氣故備見凶象而未有
害隨用鍼刺流出黯血睛轉舌軟而脉起矣始食陳米
粥幾匙三四日後漸進飲食調息一月而愈余於是而
知有痧也知有治痧之法也深叩之謂傳自天台老僧

普淨辨論精微。條分縷析。經絡不同。重輕或異。非可確
然施治。今之視疾者。概為感冒風寒。表邪發汗。薑蔥妄
投。何異極溺者之不援以手而投之石也。有識痧者。不
診脈。不用藥。不耗原氣。不費厚資。追索病根。按穴鍼刮。
刻時平復。真有起死回生之功。理宜德之尊之。而每輕
之。薄之。何也。服藥者靡費千百。而不痊。治痧者不費分
文。而即愈。雖云小技。生死存亡繫焉。而輕之薄之。是何
視醫藥甚重。而視性命反輕也。宜乎醫者不屑為。為之
者多哇。丁里媼也。苟能醫者為之。燭其腠理。佐以湯劑。
活人之功。可勝道哉。嗚呼。余非敢附會。因其屢治屢驗。

且觀書之所自傳言之合乎理○乃贅一言以為序○庶幾
福田之一端○亦醫者之一助云爾○

此序不知作於何人○亦不識歲月書孫邱天序輯譯
叙普淨佳棟殆即出於輯者之手與較之痧脹玉衡
雖方藥簡略而鍼刮之法實足以補其不逮因并錄
之道光二年壬午仲春月上浣孫玘識



痧證指微目錄

上部 十六條

中部 十一條

下部 十三條

重證 二十三條

危證 三可治

復發 三不治

經穴圖 三

頭面部 十四穴

胸腹部 九穴 ○ 附定一



南京中医药大学图书馆藏

背部 三十五穴

手部 二十穴 〇附穴二

足部 十二穴

方中引用藥性考



北京中医药大学图书馆版权所有

痧證指微



天台山僧普淨著

崑陵

奚佳棟述

逸士

邱天序輯

太倉

孫玘訂

上部

顛折第一

蟹眼第三

蛇舌第五

耳震第七

黑眼第九

頭風第四

羊舌第六

腦後第八

白眼第十



南京中医药大学图书馆藏

黑齒第十一

黑舌第十二

鎖喉第十三

鶴頂第十四

櫻桃第十五

黑疱第十六

鼻準第十七

天頂第十八

顛折 頭搖痛如打折面帶麻木顛搖係感外邪如久

不治邪走心經并齒麻木舌出吐出宜用錢蘸香油

刮腦戶穴

下刮法
皆同

用針刺風府穴方用

砂仁

廣藿香

檳榔

木通

蘆粟梗

各等分

河水井水各一碗燈心二十寸煎八分服

凡用鍼只宜淺而橫不可深而直恐刺筋骨傷人又



高粱埽帚。即蘆粟梗也。用之亦佳。

雙丸

兩太陽痛。或左太陽痛。或右太陽痛。此係身受

寒邪。如久不治。邪走肺經。心肺俱脹。滿身麻木。兩眼

酸痛。飲食不思。口吐酸水。宜刮兩懸釐穴。

蠅眼

兩眼睛定。凸出作痛。此感受外邪。并頭眼脹。先

用大姆指抵住兩眼眶上。少頃微針印堂穴。又法以

指頭兩箇捏出紅痧。或紫痧。用針淺刺出血。為妙。

頭風

頭腦疼痛。係感外邪。先用兩手指捻印堂穴。再

針兩絲竹空穴。

蛇舌

舌吐。出如蛇舌。伸縮不止。係心經觸受外邪。嘔



北京中醫藥大學圖書館版權所有

吐酸水涎痰先刮兩肩井穴用針刺舌尖上如久不治則善笑笑後心偏而成顛證矣

羊舌 舌斜伸左邊則眼亦偏左邊舌斜伸右邊則眼

亦偏右邊此係肺經受邪因脫衣時先脫左左受邪先脫右右受邪初起心膈悶痛延久不治則風氣下降滿身脹緊多笑而成癡呆矣用針刺舌再刺肩井穴若斜左刺左斜右刺右

耳震 耳內響如鐘鳴即聾此係腎經受邪氣脉不順用針刺風府穴刮懸釐穴

腦後 此係腦門受邪故腦痛如誤用發表藥則死宜

針風府穴。刮兩肩井穴。

黑眼 眼白變為黑色。係受外邪。用蒺藜艸皮硝各

錢陰陽水煎湯洗二三次即愈。若日久不治。則邪傳

腎經。兩目昏暗。迎風下淚。怕日羞明。漸成外障。宜刮

兩懸釐穴。針手小骨空穴。

白眼 眼珠白膜遮睛。此腎經受邪。用前方煎湯洗三

五次即愈。若延久不治。倘遇惱怒傷肝。身體發熱。眼

成內障。若將黑珠內外水煎乾。則失明矣。治法同上。

黑齒 牙齒變為黑色。此係腎經受邪。日久不治。則毒

氣入骨。大寒大熱而難治。宜針水溝穴。刮兩臂臑穴。

黑舌 舌上變為黑色。此係心經受邪。日久不治。則舌焦而硬。為不治之證矣。宜針舌上中間出血。刮兩臂臑穴。

鎖喉 耳上頸項脹痛。此係外皮受邪。因卧枕漏風。喉下脹痛。難進湯物。針顙息穴。可刮可灸。左痛刮左。灸左右痛刮右。灸右。

鶴頂 眉心紅絕。刺刺作痛。此係心經邪熱上衝。如凸起變為黑色者。不治。微刺印堂穴。

舌上生紫疱。此係心經受邪。刺破出血而愈。

黑疱 舌上生黑疱。此係心經受邪甚重。毒氣衝肺。經

刺破血出而愈。稍遲不救。

鼻準 有左鼻塞。右鼻塞。有兩孔俱塞。此係外皮受傷。

用燈心取嚏。再刺水溝穴。

天頂 頭心脹痛。此係外皮受邪。延久不治。或誤用藥。

餌。必成搖頭痼疾。刮前頂穴不愈。用蒜瓣墊穴上。以

艾灸七壯。

以上諸證用藥與顛折同。



四



中部

斜肩第十九

皮膚刺第二十

陰陽第二十一

天庖第二十二

白線第二十三

紅癰第二十四

對胃第二十五

穿胃第二十六

穿膈第二十七

鑽心第二十八

逆血第二十九

斜肩

此係外皮受邪。左肩痛則左垂。右肩痛則右垂。

延久不治。或誤用藥餌。成半身不遂之證。以三指拍

兩曲池穴。出紫塊。刺出毒血。再刮兩臂臑穴。

針



南京中醫藥大學圖書館版權所有